

論

語

經

正

錄

論語經正錄

淡澤 王肇晉 學

男 用詒 述

廛也第六

子曰廛也可使南面仲弓問子桑伯子子曰可也簡仲弓曰居敬而行簡以臨其民不亦可乎居簡而行簡蕪乃大簡乎子曰廛之言然

朱子論語或問持身以敬則心不放逸而義理著明故其所以見於事者自然操得其要而蕪煩擾之患若所以處身者既務於簡而所以行之者又一切以簡爲事則是義理準則既不素明於內而紀綱法度又喪所持循於外也大簡之弊將有不可勝言者矣

朱子語類

安卿錄

問何謂行簡曰所行處簡要不煩碎

居上煩碎在下者如何奉承故曰臨下以簡程子謂敬則自然簡祇說敬中有簡之人亦有人自處以敬而所行不簡聖人所以曰居敬曰行簡二者須要周盡

又人傑錄

居敬行簡是有本領之簡居簡行簡是盡本

領之簡

鹿伯順曰治民全在不擾而省事本於勞心居敬者眾寡小大盡敢慢此心日行天下幾徧洞察情形而挈其綱領所行處精神在焉即所不行處精神亦盡不在如此行簡民安可知居簡之簡一切放下全盡闢掃廢事事生獎可勝言哉

又曰所居既別則所行之簡亦判於星淵未可謂居異而行同也

王魯齋曰行簡是於行事上簡居簡是於治己上簡李二曲曰居敬則終日戰兢自持小心嚴翼湛然純一清明在躬氣志如神見之於行自精明整暇凝重不苟事事有定裁事事不瑣繁不操切愴大成裕端拱致治居簡則率意任質漫漶檢束內外脫略身心俱荒一身且不能治況治民乎

用詰謹案朱子於居敬行簡分作兩事王船山論之詳矣此與鹿伯順條皆從居敬中見所以能行簡之理卽程子謂敬則自然簡或問心不放逸而義理著明中意

鳳也第六
饒雙峰曰仲弓之簡固與伯子之簡異矣然其所以致是者亦學力之至爾蓋嘗問仁夫子告之曰出門如見大賓使民如承大祭此居敬之謂也嘗問政夫子告之曰先有司赦小過舉賢才此行簡之謂也居敬行簡其得於師友之所講磨如此則可使南面固有所自來矣

王船山曰居敬而行自簡亦天理自然之相應者如湯之聖敬日躋則其寬仁而不苛責於民固條理之相因喪待已敬而又別求簡也然繇敬得簡者敬德已成之功也若方事居敬之始則不得不用力於敬用力於敬則心已密而是非得失之不自欺者必喪大喪小喪人喪己而不見其一致則且不安於簡而

至於求物已煩者多矣故不得不將居於己與行於
民者分作兩事而一以敬一以簡也程子要其極致
而言謂敬則必簡以示敬德之大坤之直方所以不
習而不利者天德王道之全也朱子則以南面臨
民居雖其本而行乃其實既不容姑待我敬德之充
實光輝而後見諸臨民之事則持己以敬御人以簡
兩者之功同時並舉斯德以嚴而日成教以寬而漸
喻不躡求之於理之一而相因於分之殊此修天德
行王道之津筏也仲弓論簡更加一敬以著修己治
人之節目不可紊亂則居簡而行簡者病也居敬而
責人以敬者亦病也簡爲夫子之所已可故其言若
歸重於敬而實以論簡之可則在簡者必求諸敬而

不能簡者其規模之狹隘舉動之瑣屑曾不足以臨
民又不待言矣

陸稼書曰居敬固學之綱領行簡亦非易事非格物
窮理十分精密安能簡得恰好認稍不真便以煩瑣
爲精詳以麤疏爲簡要縱能兢兢戒謹亦不濟事故
程子雖謂居敬則行自簡而朱子必分佗兩層較程
子之說更爲精密也

用詰謹案格物窮理爲行簡者補出功夫是
此章言外之意語類云如何居敬自能理明
更有幾多功夫在是也

陳淑起曰末世定例成規密如網罟守其章程賢者
有所難周芟其繁冗天下未嘗不治可伯子者以此

然以不擾於外者爲簡子所以僅可伯子也而以貫攝於心者爲簡靡所以可使南面也知簡之可以裕煩再知敬之可以運簡則仲弓之可使伯子之僅可已判然矣

哀公問弟子孰爲好學孔子對曰有顏回者好學不遷怒不貳過不幸短命死矣今也則亡未聞好學者也

朱子語類

植錄

問集注怒不在血氣則不遷是不爲血

氣所動否曰固是因舉公聽斷人而自己元不動又曰祇是心平

又錄

道夫

內有私意而至於遷怒者志動氣也有爲怒

氣所動而遷者氣動志也伯恭謂不獨遷於它人爲遷就其人而益之便是遷此不中節非遷也

又人傑

所謂不貳者有不善未嘗不知知之未嘗復

行也如顏子之克己既克己私便更不萌佗矣

又時舉

問集注云過於毒者不復於後則言形見之

過伊川云如顏子豈有不善所謂不善祇是微有差
失纔差失便能知之知之便更不萌佗又似言念慮
之過曰不必問念慮之過形見之過但過不可貳耳

又不知何

氏錄問顏子之過何如曰未到不勉而中不思

而得猶常用力便是心有未順處便是顏子之過

又南升

錄顏子之學見得此理分明必欲約其情以合

於中剛決以克其私私欲既去天理自明故此心虛
靜隨感而應或有所怒因彼之可怒而怒之而已無
與焉怒過而此心又復寂然何遷移之有所謂過者

是微有差失張子謂之慊於己是略有不足於心便
自知之隨卽消除更不萌作爲學功夫如此可謂真
好學矣

又

不知何氏錄

問不遷不貳克己功夫卽在其中曰固是

然克己亦非一端喜怒哀樂皆當克怒是難而易見
者曰

又

時舉錄

不遷怒不貳過是顏子好學之符驗非祇學

此二事顏子學處專在非禮勿視聽言動純熟乃能
如此

黃勉齋曰顏子不遷不貳蓋其存養之疾省察之明
克治之力持守之堅故其未怒之初鑑空衡平既怒
之後冰消霧釋方過之萌瑕類算逃既知之後梏株

悉拔此所以爲好學而集注以爲克己之功也

又曰顏子之天資則明與剛顏子之用功則敬與義惟其明且敬也故幾幾動處便覺惟其剛且義也故幾覺便與一刀兩段旣明矣又持之以敬旣剛矣又輔之以義則血氣豈能輕爲之動念慮豈能再使之差此所以謂之不遠復也所以謂之有不善未嘗不知知之未嘗復行也

輔漢卿曰顏子不遷不貳乃終身學力之所就故集注以爲克己之功必其平日遇怒卽克不使流蕩於外以過於物遇過則克不使伏藏於內以爲之梏怒不過於物則久久自然不遷過歐其梏則久久自然不貳

陳安卿曰理所當怒而不枉血氣則伸縮由我自是不遷若怒自己起而不由於理則氣不能平必至於移甲加乙

陳器之曰問顏子之不遷怒與喜怒哀樂皆中節如何曰當其怒時見理而不見怒故怒所可怒而不遷於它此克己陽剛工夫峻潔之甚其要固歸於中節但以中節言顏子無起發人意處

陸桴亭曰不遷怒正顏子正心功夫到處凡心戢忌有所有所便不正遷怒卽所謂有所忿懣也喜怒哀樂四者惟怒最易有所故顏子不遷怒孔子解之以爲難

張蒿菴曰顏子所以不貳過者以其心常存而主於

理故能有不善未嘗不知知之未嘗復行也

陸稼書曰不貳過之境界其難處有二一則因循怠忽牽制過將復生一則雖有心改過而見識未到如因噎廢食矯枉過正亦是貳過

王船山曰朱子旣云不遷怒貳過是顏子好學之符驗又云不是功夫未到而遷怒貳過祇且聽之此處極不易分曉蓋不遷怒者因怒而見其不遷也不貳過者因過而見其不貳也若喪怒喪過時豈便一喪所學且舍本以治末則欲得不遷而反遷欲得不貳而又貳矣故曰非祇學此二事不遷不貳是其成效然喪怒喪過時旣有學在則方怒方過時豈反不學此扼要處放鬆更不得力故又曰但克己功夫未到

時亦須照管總原要看出顏子心地純粹謹嚴無間
斷處故兩說相異其實一揆易云有不善未嘗不知
此是克己之符驗知之未嘗復行是當有過時功夫
可見亦效亦功並行不廢以此推之則不遷怒亦是
兩層賅括佗一句說若喪故矣怒於所不當怒者則
不復論其遷不遷矣怒待遷而後見其不可則其以
不遷言者必其當怒者也怒但不遷卽喪害於怒效
也於怒而不遷勇功也則亦功效雙顯之語也

又曰許衡云顏子雖有心過喪身過非也橫渠云慊
於己者不使萌於再慊者心慊之也而心之所慊者
則以心而慊其身之過也心動於非迷而誰覺之乎
心之有惡則謂之慝不但爲過若其一念之動不中

於禮而未見之行事斯又但謂之此心之失而不成乎過過者有迹者也如適楚而誤至於越也失則可以旋得過則已成之迹不可掩而但懲諸將來以不貳惟顏子心德已純而發見於外者不能幾於目順心從之妙則如曾子襲裘而弔之類言動不中於禮者時或有之乃其心體之明不待遲之俄頃而卽覺其不安是以觸類引伸可以旁通典禮而後不復有如此之誤矣

用誥謹案此條開魯齋心過之非而語類原兼念慮之過形見之過言分別觀之可也

又曰情中有攻取二塗喜取於彼也怒以我攻也故喪濫取者易於屬狀喪矣攻者發不及收攻一因物

之可攻而已。豈必攻之心則克己之功。豈不至乎。取緣己之不足。攻緣己之有餘。所不足。所有餘者。氣也。非理也。氣不足。則理之來復。易氣有餘。則將與理扞格。而不受其復。惟奉理以御氣。理足在中。而氣不桀。權斯可發。而亦可收。非天理流行充足者。不能也。理居盈以治氣。乃不遷怒。理居中以察動。乃不貳過。慶源所云。遇怒則克。遇過則克。是志學事。朱子所云。全在。非禮勿視聽言動。上是適道與立事。遇怒則克。遇過則克。不怒。不過時。又將如何。此慶源之言。所以使人學爲顏子。而朱子之言。則顏子之學爲聖人也。其亦有辨矣。

夏用九曰。不遷怒。不貳過。顏子性命之學也。學不反。

身切己不可以至於性命學不至於性命不可以謂之學

焦廣期曰今也則亡未聞好學者也皆主諸弟子言聖人承本國之君下問弟子好學不勝情意淡至言有盡而思無窮自不能訕然而止若在其國或未必如此至荅康子則但舉氏名此等處最足見聖人盛德之至也

臧拜經庸曰家語七十弟子解顏回少孔子三十歲年二十九髮白三十一而歿王肅注校其年則顏回歿時孔子年六十一然則伯魚年五十先孔子卒卒時孔子且七十矣今此爲顏回先伯魚歿而論語曰顏回歿顏路請子之車子曰鯉也歿有棺而無槨或

爲設事之辭案叟記仲尼弟子列傳但云顏回少孔子三十歲季二十九髮盡白蚤歿竝不著卒之季歲夫五十以上而卒皆可謂之蚤三十一之文不知所本必係王肅僞撰公羊傳哀十四季顏淵歿子曰噫天喪子子路歿子曰噫天祝子西狩獲麟孔子曰吾道窮矣何休注天生顏淵子路爲輔佐皆歿者天將亡夫子證時得麟而歿此亦天告夫子將沒之徵叟記孔子世家河不出圖雒不出書吾已矣夫顏淵歿孔子曰天喪子及西狩見麟曰吾道窮矣夫曰天喪子曰天祝子曰吾道窮曰吾已矣者是皆孔子將沒之季所言故公羊春秋及弟子傳皆連言之則顏子之歿必與獲麟子路歿夫子卒相後先孔子季七十

一獲麟七十二子路死七十三孔子卒顏子少孔子三十歲孔子七十顏子已四十也又世家云伯魚季五十先孔子卒以核家語孔子季二十而生伯魚之說尙不甚遠則伯魚卒時孔子季六十九據論語顏子死在伯魚之後則孔子季七十時顏子正四十也魯哀季康之間皆在哀十一季孔子反魯之後時顏子新卒故聖人述之有餘痛焉論語先進篇書顏淵死者四而皆冠以季康子問明其爲一時事也若王肅說孔子季六十一顏子死此正孔子自陳遷蔡之季猶未反魯哀公康子何從問詢且此時公困阨陳蔡皆尾三載如六十一顏子已死孔子患從難諸賢何以皆及顏子展轉究覈可知王肅家語不足據又

鄭康成駁五經異義云論語鯉也必有棺而無棺是實歿未葬已葬也設言歿凡人於恩猶不然況聖賢乎可卽以駁許慎之說駁王肅也

子華使於齊冉子爲其母請粟子曰與之釜請益曰與之庾冉子與之粟五秉子曰赤之適齊也乘肥馬衣輕裘吾聞之也君子周急不繼富原思爲之宰與之粟九百辭子曰毋以與爾鄰里鄉黨乎

朱子語類

木之錄

問冉子請粟聖人不與之辨而與之

益之曰聖人寬洪可以子可以喪子子亦喪害但不使傷惠目

又

錄

張子曰於斯二者可見聖人之用財雖小處

亦算不恰好便是一以貫之處

何義門曰私箋云與釜與庾便是義所當與義所當益若謂不當與不當益而夫子姑示其意則爲徇人矣案義者宜也情之所可通則亦不失其義也五秉則過情過情非義也使受之者不安

鹿伯順曰不與彊與此處皆有天則亦非聖人所能爲聖人能不失之目下聖人一等優以意見參之一過於慷慨一過爲貞介意氣一著天則遂遠孔子大哉純乎天而人不與

焦廣期曰冉子原患是其心覺不如此優不安遂斷然行之以爲本分當然之事不知其有害於義也至於市恩以爲俠矯廉以爲異則小人之所爲聖人之所不屑教者矣

蔡覺軒曰楊氏謂君子之於辭受取與之際苟非其義一介不以與人苟以其道舜受堯之天下亦不爲泰而士或以奢與爲吝寡取爲廉以升有原患之賢猶不免是況世之紛紛者乎朱子曰此說固然然夫子雖以富爲不當繼而不直拒升子之請雖以祿爲當受而不責原憲之辭且教以及人而不爲私積蓋聖人以義制事固極謹嚴而其宏裕寬大崇獎廉退之意亦略可見矣然則學者未得中行不幸而過寧與毋吝寧廉毋貪又不可不知也槩案朱子廣楊氏未盡之意淡有補於世教且使世之吝者不得託於一介不與之說以蓋其陋貪者不得託於舜受堯之天下之說以優其私而輕財重義清苦廉遜之人亦

將得以自見故併錄之學者所宜演玩也

金仁山曰學者觀於此章有數善焉夫子非責冉有之過子蓋以禮處子華也不許原思之過辭又以義勉原思也君子當補不足不當益有餘也居官喪辭祿之理而居鄉有相周之義也聖人處事無非中庸通釋所謂非徒見夫子之用財而已也

子謂仲弓曰犁牛之子騂且角雖欲勿用山川其舍諸蔡虛齋曰大抵當時人以仲弓之父賤行惡而病之故孔子發此不然雖偁其子之賢反彰其父之惡宜非其子之所樂聞而聖人隱惡揚善之心亦不如此其演也

汪雙池曰萬授一謂偁其子而毀其父當非仲弓所

樂聞聖人忠厚必不如此殊不知此章語氣對世人不用仲弓言者不對仲弓能改父惡言且世人不用仲弓世必其知其父世既其知其父則夫子亦何必爲仲弓諱之仲弓父賤行惡於經傳固少據即使無據而就此章語意玩之亦塙見此言是因世人以仲弓父惡而不用仲弓故發也況朱子未嘗無據哉

用詰謹案家語云仲弓生於不肖之父何晏注言父雖不善不害於其子之美皇侃疏仲弓父劣當是於時爲仲弓父劣而不用仲弓故孔子明言之也范甯曰謂非必對言也是朱子所據

許白雲曰一章之中爲義不一聖人稱仲弓之德門

人間之當效其進德也仲弓聞之當愈進修造其極也人欲勿用山川不舍有德必見用於世也犁牛之子騂角德不繫世類也父有惡子當修德以揜之也用人者不當論其世也聖人之言廣大如此諸章亦多在入推看但不可穿鑿爾

子曰回也其心三月不違仁其餘則日月至焉而已矣

朱子語類

本傳錄

三月是言久爾非謂三月後必違也

此言顏子能久於仁爾雖念慮之間間有不善處卻能知之而未嘗復行也

又

安卿錄

問三月後亦有違否曰畢竟久亦有閒斷曰

此閒斷亦甚微否曰如不貳過過便是違仁非禮勿視聽言動照管不到便是過

又不知何氏錄顏子三月不違是此心常存無少間斷日

月至焉是或一日一至或一月一至今人若能自朝至暮此心洞然表裏如一直是無纖豪私意間斷此地位豈易及惟實會下功夫方自見得

又文蔚錄

問橫渠云始學之要當知三月不違與日月

至焉內外賓主之辨使心意勉勉循循而不能已過此幾非在我者竊謂三月不違者天理爲主人欲爲賓日月至焉者人欲爲主天理爲賓學者當勉勉循循以克人欲存天理爲事其成與不成至與不至則非我可必矣曰是如此

又道夫錄

且以屋喻之三月不違者心常在內雖間有

出時終在外不穩纔出卽入蓋心安於內所以爲主

日月至焉者心常在外雖間有入時終在內不安纔入卽出蓋心安於外所以爲賓日至者一日一至此月至者一月一至此自外而至也不違者心常存日月至者有時而存此垂它知有至未至意有誠未誠知至矣雖驅使爲不善亦不爲知未至雖軋勒使不爲此意終迸出故賢於見得透則心意勉勉循循自不能已矣過此幾非在我者猶言過此以往未之或知言過此則著力不得待其自長進云

朱子論語或問或曰仁人心也則心與仁宜一矣而又曰心不違仁則心之與仁又若二物焉者何也曰孟子之言非以仁訓心也蓋以仁爲心之德也人有是心則有是德矣然私欲亂之則或有是心而不能

有是德此眾人之心所以每至於違仁也克己復禮
私欲不萌則卽是心而是德存焉此顏子之心所以
不違於仁也故所謂違仁者非有兩物而相去也所
謂不違者非有兩物而相依也渙體而默識於意言
之衷則庶乎其得之矣曰其以三月期何也曰顏子
之於仁歆矣然以其猶有待於不違而後一也是以
至於踰時之久而或不能無念慮之差焉然其復不
違則其心之本然者又未嘗有所失也向使天假之
季大而化之則其心與仁無待於不違而常一而又
豈復可以三月期哉

陳器之曰仁者心之全體惻隱爲四端之眚心苟不
仁則頑然風痺豈知羞惡是非恭敬哉然用功處祇

是埽除私慾放教惻隱之心出顏子功夫純然私慾
淨盡故三月不違離目

眞西山曰圓外竅中者心之體虛靈知覺者心之靈
仁義禮智信者心之理知覺屬氣凡能識痛痒識利
害識義理者皆是也而仁義禮智之具乎中者則理
也仁爲四德之元實兼統之故心之德專言之曰仁
人能克公私欲則所知覺皆義理而心不違乎仁不
能克公私欲則所知覺者物我利害之私而其違仁
也遠矣

孫夏峰曰是進諸子於回意顏子亦從日月中養得
純守得定故卽心是仁諸子日月之至亦不自覺乃
天機自復當其至時完然一全體也特違之機難泯

百

陳安卿曰張子內外賓主之辨蓋起於夫子至之一辭知內外賓主之辨常在天理內而爲主不逐人欲於外而爲賓非眞知而目足俱到者不能

張楊園曰問三月不違與日月至焉內外賓主之辨曰仁本固有本是主但有生以後天理人欲互爲消長顏子天理常存而人欲閒發則理爲主而欲爲賓其餘天理未能勝乎人欲則似人欲反爲主而天理偶然來復卻似賓也

李厚菴曰此至字與斯仁至矣至字不同彼以仁言此以心言也仁人之安宅不違仁則安居於此日月至則自外而來或日一至或月一至而已張子內外

賓主之說非謂顏子以仁爲主其餘以仁爲賓乃是
以家喻仁心常依於此則爲主偶然至於此則爲賓
蓋仁體常在心有存亡出入故也

用語謹案楊園說卽語類天理爲主人欲爲
賓人欲爲主天理爲賓之義此條卽語類心
安於內所以爲主心安於外所以爲賓之義
心安於內是心常存而安於仁也陳安卿所
謂常在天理內而爲主不逐人欲於外而爲
賓是也心安於外者則欲爲主而理爲賓矣
說雖不同理則一也

王船山曰三月不違仁夫子亦在顏子用功上說其
心二字是指其宅心如此如以心體之成效言則與

日月至焉者不相對照矣集注言能造其域謂心至仁也非謂仁之來至也從其不開而言則謂之不違從其有依有違而言則謂之至而當其至與其不違則亦無別注言無私欲而有其德究在有其德三字顯出聖學而非煩惱斷盡卽是菩提之謂異端所尙祇拚到人欲淨處聖賢學問明明有仁明明須不違明明可至顯之在視聽言動之間而藏之有萬物皆備之實三月不違不違此也日月至焉至於此也豈可誣哉

又曰三月不違仁中有雷雨之動滿盈意思故曰唯天下至誠爲能經綸天下之大經肫肫其仁朱子鏡明之說非愚之所敢據若祇與鏡相似鏡也而仁平

哉

用誥謹案語類南升錄以鏡之明喻仁以塵垢之蔽喻私欲隔之違仁非以鏡爲仁也船山恐人誤會爲異學所偕故辨之

陸稼書曰心藏於內夫子從何處窺之亦祇在動靜語默閒見之而已大凡其心如是其氣象亦必如是但人不能盡識耳朱子謂三月不違不是閉門合眼靜坐不可不知

曹月川曰重厚簡默如仲弓忠信明淩如子路多才能如井有明禮節如子華夫子皆曰不知其仁聰明穎悟如子貢夫子有非爾所及之抑執德信道如子張曾子有難與爲仁之譏克伐怨欲不行如原憲而

夫子亦曰仁則吾不知也此皆日月至焉者

陸稼書曰聖賢言心有與事對言者有包事而言者孟子言仁心仁政心與事對言者也牽牛章言心包事而言者也有與理對言者有包理而言者其心三月不違仁與理對言者也孟子學問之道無它求其放心而已矣包理而言者也

季康子問仲由可使從政也與子曰由也果於從政乎何有曰賜也可使從政也與曰賜也達於從政乎何有曰求也可使從政也與曰求也藝於從政乎何有

朱子語類

辯錄

求也藝於細微事都理會得其材如此

故用之於聚斂必有非它人所及者

蔡虛齋曰果則足以浚大義定大事於俄頃之際達

則事至物來於可否之間迎刃而解觸機而動矣茲則設施措置應用不窮故均曰於從政乎何有

姚惜抱曰政所從出者冢卿也位非冢卿而冢卿授之一國之任身率以聽焉是謂之使從政若子皮之於子產季桓子之於孔子是也當定公之時孔子有東周之志將廣魯於天下惜乎說行於桓子而小人間之不獲終焉此道之將廢也若夫哀公之時垂論道不復行於天下也而魯且日危魯固不能用孔子矣第使由求賜三人者一居當國之任治一國而保之固皆有餘力以比孔子三月之事則不能以比子產之全鄭則可故曰於從政乎何有

季氏使閔子騫爲費宰閔子騫曰善爲我辭焉如有復

我者則吾必在汶上矣

輔漢卿曰謝氏說由求之事曰是豈其本心哉說最
好剛者必取禍謂子路柔者必取辱謂并求聖人道
全德備應用不窮其於先見之知克亂之才蓋兼有
之故於天下無不可爲之時亦無不可爲之事若未
至於聖人而欲早見豫待以疑方來之變則於轆轤
紛沓之際未有不失其本心者此閔子所以爲賢也
金仁山曰謝氏之說似若麤厲朱子取其足以立懦
然觀閔子本旨善爲我辭之言雖似乎婉如有復我
者則吾必在汶上矣則不爲不峻可謂壁立萬仞氣
象矣

孫夏峰曰夫子墮三都費其一也閔子有爲之宰乎

意甚淺而辭則婉聖門應聘之學

伯牛有疾子問之自牖執其手曰亡之命矣夫斯人也而有斯疾也斯人也而有斯疾也

輔漢卿曰不入其室避過奉之禮義也自牖執手致永設之意仁也此聖人從容中禮處

王船山曰由夫子之言觀之則伯牛之賢可知而君子之言命者亦可見矣人盡而後歸之天性盡而後安之命自非伯牛則疾病夭折之至方當以之自省而豈可徒諉之命哉修身以俟命身之不修而言俟命自棄而已矣

又曰朱子以有生之初氣稟一定而不可易者言命自它處語修大全者誤編此夫莫之致而至者命也

則喪時喪鄉非可執有生之初以阻之矣氣稟定於有生之初則定於有生之初者亦氣稟目而豈命哉先儒言有氣稟之性性凝於人可以氣稟言命行於天不可以氣稟言也如稻之在畝忽被風所射便不成實豈禾之氣稟有以致之乎氣有相召之機氣實召實氣虛召虛稟有相受之量稟大受大稟小受小此如稻之或早或遲得粟或多或少與疾原不相爲類風不時而粟虛於穗氣不淑而病中於身此天之所被人算之致而自至故謂之命其於氣稟何與哉謂有生之初便裁定伯牛必有此疾必有此不可起之疾惟相命之說爲然要歸於妄而已矣聖人說命皆就在天之氣化喪心而及物者言之天喪一日而

息其命人喪一日而不承命於天故曰凝命曰受命
若在有生之初則亦知識未開人事未起誰爲凝之
而又何大德之必受哉祇此陽變陰合推盪兩閒自
然於易簡之中有許多險阻化在天受在人其德則
及爾出王游衍而爲性其福則化亨生殺而始終爲
命德屬理福屬氣此有生以後之命功埒生初而有生以後
之所造爲尤倍也

用誥謹案船山論此章命字不主定於有生
之初者論極通達朱子論命曰有生之初氣
質之稟蓋有一定而不可易者是此章或問
中語船山以爲它處語者蓋未詳攷

子曰賢哉回也一簞食一瓢飲在陋巷人不堪其憂回

也不改其樂賢哉回也

朱子語類

時舉錄

問顏子不改其樂是樂貧否曰顏子

私欲克盡故樂非專樂貧須知其不干貧事元自有樂

又

當錄

問顏子之樂非別有事可樂祇顏子平日所學

之事是矣見得分明又無私意於其閒自然而樂曰顏子見得既盡行之又順便有樂之滋味

又

南升錄

問顏子不改其樂是私欲既去心中渾是天

理流行無有止息此乃至富至賢之理舉天下之物無以尚之豈不大有可樂曰周子所謂至富至賢乃對貧賤而言今引此說恐淺惟是私欲既去天理流行動靜語默日用之閒無非天理胷中廓然豈不可

樂此與貧窶自不相干故不以此而害其樂直卿云
與浩然之氣如何曰亦是此意但浩然之氣說得較
麤又問說樂道便不是是如何曰說樂道祇是冒罩
說不會說得親切

又

道夫錄

問程子云周茂叔令尋仲尼顏子樂處所樂

何事竊意孔顏之樂固非若世俗之著於物者但以
孔顏之樂在於樂道則是孔顏與道終爲二物要之
孔顏之樂是私意淨盡天理昭融自然無一毫繫累
目曰然今人說樂道說得淺要之說樂道亦無害

又

不知何氏錄

問伊川以爲若以道爲樂不足爲顏子又

云顏子所樂者仁而已不知道與仁何辨曰非是樂
仁惟仁故能樂爾今須求其所以能不改其樂者緣

能非禮勿視聽言動此四事做得功夫透自然至此

又賀孫

孔顏之樂大綱相似惟顏子說不改其樂聖

人云樂亦在其中聖人自然是樂顏子僅能不改

又錄

顏子之樂亦如曾點之樂但孔子祇說顏子是

如此樂曾點卻說許多樂之事點之樂淺近而易見
顏子之樂淺微而難知點是見得如此顏子是功夫
到此從本原上看方得

許白雲曰盈天地之間惟萬物莫非至理之流行生
意充塞固與人心無間也君子由道而行則何往非
樂三月不違仁或可想見顏子之樂箴瓢陋巷豈足
改之耶

陳器之曰所樂在道以道爲樂此固學道者之言不

學道之人固不識此味但已得道人則此味與我剛
忘樂處卽是道固不待以彼之道樂我之心也孔顏
之心如光風霽月澹潭渾化從生至死都是道理順
理而行觸處是樂行乎富貴則樂在富貴行乎貧賤
則樂在貧賤夷狄患難觸處而然蓋行處卽是道道
處卽是樂初非以道爲可樂而樂之也

眞西山曰程朱二先生恐人祇想像顏子之樂而不
知實用其功雖日談顏子之樂何益於我故程子全
然不露祇使人自思而得之朱先生又恐人墜下手
處特說出博文約禮四字令學者從此用力眞積力
久自然有得至於欲罷不能之地則顏子之樂可以
庶幾矣

曹月川曰孔子安於仁而樂在其中顏子不違仁而不改其樂非曰樂仁仁之中自有樂也故曰仁者不憂不憂樂也尋孔顏樂處者舍仁何適

王船山曰夫子說顏子不改其樂賢其不改也周程剛先生則不問其改不改而亟明其樂樂而後有改不改儻喪其樂則亦何改之有哉不改是樂之極致於貧而見之樂則不待貧而固有也學者且喪安排不改而但問其樂如何未究其樂而先求不改則且向山寺日高僧未起算笑田家老瓦盆上佗生活氣質剛者爲傲而已矣其柔者爲慵而已矣此所謂樂驕樂樂佚遊之損者也

又曰程子謂顏子非以道爲樂後人卻在上面說是

一是一此便是弄風捉影語唯朱子委實親切故爲之易其語曰要之說樂道亦無害蓋樂道而有害則伊尹孟子都是將道爲一物而玩弄之矣但以道爲樂雖無害而大槩不能得樂唯不先生一樂之之心而後於道有可樂之實此天理現將左右逢原從容自得之妙豈可云以而豈可云爲哉以道爲樂祇在樂上做功夫而顏子之樂乃在道上做功夫在樂上做功夫便是硬把住心告子之所以無恐懼疑惑也在道上做功夫則樂爲禮復仁至之候舉凡動靜云爲如馳輕車下飛鳥如之何無樂如之何其改也又曰要知顏子如何不改其樂須看人不堪其憂是如何或問朱子顏路甘旨有闕時如何此處正好著

睨道之未有諸己仁之未復於禮一事亦發付不下
休說簞瓢陋巷便有天下亦是憔悴天理爛熟則千
條萬歧皆以不昧於當然休說簞瓢陋巷便白刃臨
頭正復優游自適樂者意得之謂於天理上意無不
得豈但如黃勉齋所云凡可憂可戚之事舉不足以
累其心哉直有以得之矣

陸稼書曰張簞山集內有與魏庸齋論尋孔顏樂處
庸齋云舍功問效如舍舟渡水舍梯登屋終日尋不
能得否則講說高妙動涉禪機茫無把握不若溯流
窮源從切實下手處尋太水到渠成自有樂地簞山
云樂者卽吾之本體成之性得之天非從外面攙和
非從後來添設特恐爲境遷爲物撓爲慾蔽遂舉本

來樂體被垂端怨尤填胃滿膺非用一番功夫一番
尋求便說曠達放誕總非向來真樂又云識本體固
難復本體尤難二先生說尋字最好皆本集注朱子
之意庸齋又云從何尋曰下學上達克己復禮簞山
又云言孔顏樂處卽知思孟樂處皆足補集注所未
及

家懸思先生曰先儒每令尋孔顏樂處所樂何事以
爲樂貧者固非以爲樂道者亦未是爲其所謂樂者
皆以七情之樂當之卽未得孔顏樂處也孔顏所謂
樂者欲淨理純性體昭融之候胃中天理流行自有
活潑洋溢之趣垂入而不自得如天道之氤氲流行
無時或息者然故以樂字形似之非如七情中之棧

樂因物而生物過則息者也

并來曰非不說子之道力不足也子曰力不足者中道而廢今女畫

陳定宇曰曾章集注云說之淡而不已焉耳說賢乎淡說苟淡必欲罷不能豈有自畫之患畫而不進說之不淡故也求局定於藝而不能充拓其樊原於畫以自隄耳

蔡虛齋曰子之道其理則仁義禮智其具則禮樂政教其文則詩書易春秋道內正有可嗜之味在

鹿伯順曰說道亦是實祇爲不勝外物祇成一段虛光景到此亦自覺似力不足特未知其未嘗用力耳夫子說一力不足者而斷其爲自畫并來自想會到

半路否可以悟矣此最善點化處

黃薇香曰中半也廢置也置於半途暫息之俟有力而肩之也畫止於半途而不進也

子謂子夏曰女爲君子儒垂爲小人儒

朱子語類寓錄此處要見義利分明君子儒上達小人

儒下達須是見得分曉始得人自不覺察耳豪釐間

便分君子小人

又南升錄君子儒小人儒同爲此學者也不就已分上

做功夫祇要說得去以此欺人便是小人儒

又不知何氏錄子夏是細密謹嚴之人過細密便有委曲

周旋人情之弊所以或流入於小人之儒也

金仁山曰儒學者之侪子夏文學故夫子鞭辟其近

裏君子儒則務德業小人儒則誇文辭

陸稼書曰曰爲曰喪爲一彼一此剖其界出此入彼
嚴其幾是而非非而是謹其似

焦廣期曰注云君子儒爲己又云遠者大者非各爲
一義不相統貫蓋惟爲己乃所以爲遠大中庸末章
以尙綱絜然爲入德根基以馴致乎篤恭而天下平
之盛何遠大如之爲人而學者自私自利雖能立功
業致聲譽而其爲卑暗淺小甚矣

子游爲武城宰子曰女得人焉爾乎曰有澹臺滅明者
行不由徑非公事未嘗至於偃之室也

朱子語類

賀孫錄

問集注取楊氏說云觀其二事之小

而正大之情可見矣曰看此氣象優不猥碎問非獨

見滅明如此亦見子游曾懷如此開廣故取得此人
曰子游意思高遠識得大體

朱子論語或問或問滅明之所謂公事者何事也曰
以士民之分言之則凡飲酒讀訟而羣至乎有司者
公事也以邑宰之知己而訪問焉則凡一邑之閒利
病休戚之所關而當以告於有司者亦公事也以是
而至其室亦何嫌之有且旣曰得人矣則安知其不
已受暑而爲之屬乎太古旣遠固有不可以懸料而
盡知者然大意其喪煦濡媚說之私則亦可見矣
魏庸齋 象樞 曰子游旣列文學應以文章誦讀取人
乃夫子問得人舉滅明以對可見平日全以名節道
義爲重故物色此人爲一邑中矜式想滅明光明正

大善行不止二事自其小節而爲人所難者言之詭
隨苟且世俗所喜滅明行不由徑此卽行已有恥之
杞基奔競干謁世俗不免滅明非公事不至此卽大
公喪我之器量子游以文學之賢敢重實行如此孔
門弟子槩可知矣

汪雙池曰子游之於滅明必有心契其微者而舉二
事以見大端注中必推開說者正所以盡子游之意
也曰行不由徑非公事不見邑宰而可必其猷爲乎
曰此非可僞爲也非有以直其內者不能必正於外
非實有所得於己者不能無所徇於人也

眞西山曰子游以行不由徑非公事不至其室而知
澹臺之賢蓋二者雖若細行因而推之行且不由徑

其行己也。有枉道而欲速乎。非公事且不至其室。其事上也。有阿意以求說乎。子游以一邑之宰。其取人猶若是等。而上之宰相爲天子擇百僚。人主爲天下擇宰相。必以是觀焉。可也。故王素之論命相欲求宦官宮妾不知名之人。而司馬光之用諫官亦取不通書問者爲之。必如是。然後剛方正大之士進而奔競諂諛之風息矣。

黃薇香曰。得人與舉賢。異得之未必遽舉之也。朱子與劉其父書曰。方責之必加於己。而未及也。喪旦暮倉猝之須。則其觀之得以久。喪利害紛拏之惑。則其察之得以精。誠心素著。則其得之多。歲引月長。則其蓄之富。自重者。喪所嫌而敢進。則喪幽隱之不宣。欲

進者喪所爲而不來則喪巧僞之亂真今於天下之士憚然不以爲意至於臨事倉猝而所蓄之材不足以待用乃始欲泛然求己所未知之賢而用之不亦難哉朱子之言正合得人之悵

惠半農曰士師野禁亦曰道禁野廬氏掌之橫行徑踰蓋其一也徑謂之蹊釋名曰蹊係也射疾則用之故還係於正道康成亦云徑踰射邪趨疾禁之所以防奸故晏嬰治阿而築蹊徑者以此也子游偁子羽曰行不由徑謂其行方夫由徑犯野廬之禁先王之世人人不由安見其方春秋禁書雖杼而官失其職道禁之不行久矣子羽獨奉而行之以爲先王之道存焉由此觀之則一步一趨喪在而非先王之道也

此子羽之所以爲方歟

許白雲曰集注飲射讀法周禮大司徒以鄉三物教民而賓興賢能故有鄉飲酒之禮此行於鄉學者也又黨正國索鬼神而祭祀則以禮屬民而飲酒於序以正齒位此行於黨學者也射鄉射也周禮鄉大夫以鄉射之禮五物詢眾庠州長春秋以禮會民射於州序讀法周禮州長一歲四讀法正月之吉各屬州民讀法以攷其德行道藝而勸之糾其過惡而戒之若歲時祭祀州社則讀法亦如之正歲則讀教法黨正一歲七讀法四時孟月吉日屬民讀邦法以糾戒之春秋祭禴亦如之正歲屬民讀法而書其德行道藝族師一歲十四讀法月吉屬民讀邦法書其孝友

睦姻有道者春秋祭酺亦如之間胥讀泐不可數凡春秋之祭祀役政喪紀之類眾眾度既比則讀泐書其敬敏任恤者

子曰孟之反不伐奔而殿將入門策其馬曰非敢後也馬不進也

朱子語類

時舉錄

人之矜伐皆從私意來孟之反不伐

便是克伐不行祇此一節便可爲泐聖人言此者使人知所自克也

又

錄

問人之伐心固難克然非先知是合當做之事

臨事時必消磨不忒諸葛孔明所謂此臣所以報先帝而忠陛下之職分也若知凡事皆職分之所當爲自然喪伐心矣曰祇得一心地平之人故能如此若

使其心地不平有矜伐之心則雖知是職分之所當爲少間自乖從伐去過掠不下孟之反祇是心地平所以消磨容得去

錢白石

文子

曰師勝而歸范文子先入而不敢先師

敗而奔孟之反後殿而自以爲非敢後君子以功名爲畏如此

王船山曰聖人不輕道一謙字而於贊易唯以天之益地之流鬼神之福人之好言之則亦應物之德柄非入德之始功也故曰謙亨君子有終必君子而乃有終未君子而難乎其始矣上蔡云人能操喪欲上入之心則人欲日消天理日明此語未周淡上蔡氣質剛明故其爲學也以去矜爲氣質變化之候然亦

上蔡一人之益一時之功而不可據爲典要若人欲未消喪誠意之功天理未明喪致知之力但以孟之反一得之長爲法則必流入於老氏之教以淺言之伐者亦私欲之一端能去伐者自除下人欲中一分細過固有能去伐而它欲不必除者亦有不待去伐而欲已消理已明者若以淡言之則不伐之成德自爲遠怨息爭之一道而聖賢以之爲居德之量是易所謂善世而不伐書所謂汝惟不伐天下莫與汝爭功此在功德已盛之後以自極於高明廣大之至而卽以移風易俗成廷野相讓之化者非待此而始有事於消欲明理也故顏子以之爲願卽孔子大道爲公之志事有所待而非與克己之功亟請從事之比

聖賢之道以此而善其成故曰君子有終以此而利
行於天下故曰謙亨既亦聖賢居德善世之妙用故
夫子亦俯許之反然之反之能此則亦徒具此腔殼
可以居大德載大功而所居所載之實未之逮者多
矣微獨之反卽彼所宗之老子其大端已非而此盛
德容貌若愚之量夫子亦不能沒其善至於所居所
載虛實亡實乃至陰取陽與而與夏賈漢藏同一機
械則終未免於私欲潛行天理不明之病唯其欲恃
此以消欲而明理則消者非其所消明者非其所明
克伐不行不足以爲仁者此也

用誥謹案上蔡之說朱子於集注節取之而
於或問則論其失船山此條蓋發明或問未

盡之意

子曰不有祝鮀之佞而有宋朝之美難乎免於今之世矣

金仁山曰而有而字猶與字古書兩事相兼者以而字中遞之

用詰謹案程子云墮視鮀之巧言與宋朝之令色難乎免今之世必見憎疾也朱子從之謂其立言與墮虐癸獨而畏高明同義

許白雲曰古之世必尚誠而不尚諛好德而不好色今之世乃好諛說色所以可歎也

饒雙峰曰世教明則人知善之可好而不好諛知德之可說而不說色矣

汪雙池曰傷時之衰也好諛說色自孔子時而已然
今將若之何然天理常存人心未滅端風化者誰之
責歟豈第曰求免於世耶

子曰誰能出不由戶何算由斯道也

朱子語類

不知何氏象

問何算由斯道也曰不合理處便

是不由道

眞西山曰事親事長人人之所同也然必事親孝事
長弟然後謂之道不然則非道矣此數世人但知出
必由戶而不知行必由道欲人知行不可不由道也
曹月川曰道中庸之道天理人倫之至人所當行者
時人知由戶而出不知由道而行故聖人怪歎之曰
何算由斯道也今觀春秋之世聖學不明王綱不振

處士橫議暴行交伦索隱行怪之徒蜂起天理滅而人道息聖人任道之宗怪歎時人淺矣

王方麓曰夫子之意蓋謂若以道爲高妙峻絕而不可由耶則道之得名正以日用當然之理猶戶爲出入之所必由若以道爲虛無寂滅與於人而不必由耶則自君臣父子之際以至起居動息之微皆有一定之明法不可頃刻舍之而不由猶此身出入必由於戶也何乃算之由耶

子曰質勝文則野文勝質則史文質彬彬然後君子蔡虛齋曰質勝文者凡一言也任意率然而不知有語默之則凡一動也徑情直行而不知有進退周旋之節此則謂之野人文勝質者品節詳明而忠誠不

足文物燦然而實意反疏此則謂之叟也

王船山曰夫苟其欲爲君子則或失而野或失而叟雖有其質不足以成令儀雖有其文不能以質幽獨而可乎哉必也係其忠信之誠而廣以學問之益有此心則必有以善全此心有此事則必有以不欺此理者其質也盡乎天德之美而人情物理之胥宜其文也必推諸所性之安而使大過不及之有節然後成乎其爲君子出可以移風易俗而處亦有盛德之光輝不可掩也

子曰人之生也直罔之生也幸而免

朱子語類

賀孫錄

天地生生之理祇是直直便有生生

之理不直則枉天理宜自屈折也而亦得生是幸而

免目

又南升錄問如何是生理本直曰如父子優本有親君

臣優本有義

又時舉錄人之生也直如饑食渴飲是是非非本是曰

直自喪許多周遮如敬以直內祇是要直

又義剛錄生理本直如水有源優流此是流出喪阻滯

處如見孺子入井優有惻隱之心見可羞惡之事優有羞惡之心此皆是本心自然發出都遏不住今若順此行優是若見入井後不惻隱見可羞惡而不羞惡優是罔

許白雲曰天以善理生人人得此理以生其理本直凡行事皆當合理若不合理則與天之生意不相關

是理已絕灰之道也而又生於世者幸然免灰爾謂
具人之形事當順理違天自絕不可生於人世

曹月川曰人之生也稟天命之性受帝降之衷故曰
直在人順其性而不違所謂直也直者生之道循理
而行雖命遭有不齊莫非生道

又曰大凡平心順理應物爲直若有一豪佞爲計較
不得爲直如孔子不直乞醯應人便知所以爲直又
如左丘明恥之父爲子隱子爲父隱吾之於人也誰
毀誰譽之類喪非欲人立心行事以直

鹿伯順曰赤子之心不失則生者常生夜氣之心不
失則罔者可復生

王船山曰剛生字義喪不同不但本文兩句連類相

形夫子之意原以警人直道而行則上句固自有責成意非但推原所以不可罔之故而意全歸下句也二句之中原有不直則不足以生之意細玩本文此意寓於上句之中其又云罔之生也幸而免則以天下之罔者亦且得生而斲之以理用解天下之疑且人生之初所以生者天德也既生之後所以盡其生之事而持其生之氣者人道也若夫直也者則道也而非德也以生初而言則人之生也仁也而豈直邪蓋道虛迹也德實得也德也者所以行夫道也道也者所以載夫德也仁也者所以行其直也直也者所以載夫仁也仁爲德則天以爲德命以爲德性以爲德而情亦以爲德直爲道則在天而天道直也直

道以示人天之事也在人而人道直也遵直道以自
生人之事也子曰人之生也直固言人也言人以直
道載天所生我之德而順事之喪違也言天德之流
行變化以使各正其性命者非直道而不能載故人
必直道以受命而後天產之陽德地產之陰德受之
而不逆也而後天下之至險可以易知天下之至阻
可以簡行彊不陵弱智不賊愚仁可壽義可貴凶莫
之嬰而吉非妄獲也聖人之言此原以吉凶得失之
常理惠迪從逆之恆數括之於直罔之分徹上智下
愚而爲之戒非專爲盡性知天之君子言也

用諸謹案朱子從程明道說以上生字爲始
生之生下生字爲生存之生或問語類中論

之詳矣而精義載橫渠伊川暨呂謝諸說皆以二生字一義爲生存之生此說同之要惟始生本直而後生存當直朱子固云於義理亦可通旨

黃薇香曰集解馬曰言人之所以生於世而自終者以其正直也案經兩言生受生於天全生於世皆是也詩菴楚疏引鄭君注云始生之性皆正直程子說同馬注又云自終其義爲備人受生於天全生於世以直道爲之主失此直道天威所必譴王法所必誅眾怒所必加免者幸而已言其少也

子曰知之者不如好之者好之者不如樂之者

朱子語類

南升錄

人之生優有此理被物欲昏蔽故知

此理者少好之者是知之已至分明見此理可愛可
求故心誠好之樂之者是好之已至此理已得之於
已凡天地萬物之理皆具足於吾身則樂算大焉
朱子文集答陳安卿問樂之者此樂字與顏子之樂意思
差異否曰此樂之者之字是指物而言是有得乎此
道從而樂之也猶樂斯二者之樂樂循理之樂如顏
子之樂又較淡是安其所得後與萬物爲一泰然無
所窒礙非有物可玩而樂之也

胡敬齋曰非與道爲一不能樂故曰知之者不如好
之者好之者不如樂之者程子曰非樂不足以語君
子

彭魯岡曰孔子重言樂何也君子之道皆從樂中發

出故生生不窮苟喪其機則猶助長之苗驟盈之水
未有不稟且涸者也

王船山曰知之者之所知好之者之所好樂之者之
所樂更不須下一語若祇漫空想太則落釋氏本來
面目之狂解若必求依據則雙峰之以格物致知爲
知誠意爲好意誠心正身修爲樂實乃大誣聖人於
此三語明白顯切既非隱射一物而其廣大該括則
又迥方成圭迥圓成璧初不專指一事凡論語中泛
泛下一之字者類皆如此總之是說爲學者之功用
境界而非以顯道

汪雙池曰知之者明諸心知所往也好之者力行以
實之也有得則樂矣不知喪可好不好喪可樂知矣

則當好好矣當求得學有淺深詣當漸進好之從博文來樂之從約禮來

子曰中人以上可以語上也中人以下不可以語上也
朱子語類錄此正如告顏淵以克己復禮告仲弓以持敬行恕告司馬牛以言之訥皆因其所及而語之也

劉直齋曰中人者可上可下之人也向上則可以語上向下則不可以語上惟在其志之所向而已

趙鹿泉

佑

曰此章專爲激勸中人說天生上知不數

天生下愚亦不數聖人教人中人居多中人以上中人以下本皆中人之資也但視其能知上而勉焉以日進乃可施以導誘之力若安而惰焉以至漸卽於

下雖聖人亦末如之何語上是教者用心本要厚薄
以上以下是學者詣力難免低昂

黃薇香曰集解王曰上謂上智之所知也兩舉中人
以其可上可下也案王注言可上可下甚分明釋文
以上之上時掌反注可上同是申王意以定讀也中
人以上是中人而能上進者中人以下是中人而下
流者以之訓而詳見王氏釋詞也

用語謹案語類義剛錄問中人上下是資質
否曰或是其功夫如此或是其資質如此聖
人祇說中人以上中人以下僂都包在裏又
必大錄居下者不可語以向上者之事亦祇
論學術所至之淺淡而已據此則謂以上以

下爲學者詣力之不同亦朱子之意集注當
隨其高下而告語之則以大綱言兼資稟學
術言也

樊遲問知子曰務民之義敬鬼神而遠之可謂知矣問
仁曰仁者先難而後獲可謂仁矣

朱子語類

太僞錄

民者人也義者宜也詩所謂民之秉

彝卽人之義也此人之所宜爲者不可不務也此而
不務反求之幽冥不可測識之間而欲避禍以求福
豈謂之知者哉

又南升

錄

務民之義就分明處用力則一日有一日之

效不知務民之義褻近鬼神祇是枉費心力如臧文
仲居蔡古人非不用卜筮今乃褻瀆如此便是不知

又賀孫錄問上蔡說先難謂如射之有志若跣之視地

若臨深履薄皆其心不易之謂曰是先難是心祇在

此更不別矣

又賀孫錄後如後其君後其親之意哭死而哀非爲生

者經德不同非以干祿言語必信非以正行是飢之
先難後獲是得仁之人君子行訟以俟命是生之先
難後獲是求仁之人

朱子論語或問爲是事者必有是效是亦天理之自
然也然或先計其效而後爲其事則其事雖公而意
則私仁者則先爲其事不計其效惟循天理之自然
而無欲利之私心也

許白雲曰通釋云夫子既告之以所當爲復戒之以

所不當爲使其志存於此而念絕於彼此語包二者皆全

胡敬齋曰仁者至公而無私故己欲立而立人已欲達而達人先難後獲上義下利皆無一豪私意

朱柏廬曰有事勿正卽先難後獲而忘與助皆正所必至之病棄其效遲則忘貪其效速則助獲字中該此二病故不可不後

李厚菴曰知者仁者皆急於當務而緩於求報知以所知言故不惑而達於天人之理仁以所存言故無爲而爲而合乎天地之心

焦廣期曰先難該一切言雖至龐至小之事但盡心爲所當爲而不計其利卽此一念一事是亦仁也以

道言則喪精麤喪大小也伊尹之一介不取與孔子之委吏槩田會計當牛荳豉壯而已是也必以克己復禮天下歸仁言者非孔子當日教樊遲之旨也

子曰知者樂水仁者樂山知者動仁者靜知者樂仁者

壽

朱子語類

人傑錄

知者樂水仁者樂山非兼仁知而言

是各就其一體而言

又

必大錄

世閒自有渾厚之人有通曉之人其終亦各

隨其材有所成就如曾子之徙是仁者子貢之徙是

知者

又

治錄

以知者樂水言之須看水到隈澗處時如何到

峻處時如何到淺處曲折處時如何地有不同而水

隨之以爲態度必至於達而後已此可見知者處事處仁者樂山亦以此推之

又辨錄或謂寂然不動爲靜非也此言仁者之人雖動

亦靜也靜謂無人慾之紛擾而安於天理之當然耳

又南升錄問知者動仁者靜動是運動周流靜是安靜

不遷此以成德之體而言也若論仁知之本體知則淵濔不測眾理於是而斂藏所謂誠之復則未嘗不靜仁者包藏發育一心之中生理流行不息所謂誠之通則未嘗不動曰知者動意常多故以動爲主仁者靜意常多故以靜爲主夫水淵濔不測是靜也及滔滔而流日夜不息故主於動山包藏發育之意是動也而安重不遷故主於靜知動仁靜是體段意思

如此常以心體之便見

又

祖道錄

壽是悠久之意樂是處得當理而不擾之意

輔漢卿曰知者通達故周流委曲隨事而應各當其理未嘗滯於一隅其理與氣皆與水相似故心所喜好者水仁者安仁故渾厚端重外物不足以遷移之其理與氣皆與山相似故心所喜好者山

孫夏峰曰山水無情之物也而仁知登臨則欣然向之蓋活潑靈謐之體觸目會心故其受畜無窮此深造自得之學

夏用九曰知者動仁者靜知者心中是天理仁者心中亦是此天理但知者心中有流行之意思仁者心中有凝定之意思其同者理也其不同者氣也

金仁山曰夫子以其意象體段效驗分言之令人深體而以類求之爾又不可太拘執通釋以質之所近言仁知有偏重然非偏喪也

王船山曰學者之爲學以成德也德底於大成則於土皆安而情咸自得於我皆眞而動靜無違於天皆順而身心交泰所固然矣乃人之性各有所近而卽其所近者充之以學則知仁各成其德而性情功效之間有別焉各致其一而若不相侔然皆天理之固然而非執偏以衷異也

又曰情之所生因乎居心之體而知者則動也迎於物而卽有觀理之心不使一念之或息而不靈也仁者則靜也斂於己而不隨物感以遷恆使此心之退

藏而有主也以故其所得於天者知者無不樂易無
閒境也有以處境者何往而不悠然自適也乎仁者
必其壽也莫非命也修其俟命者豈有戕害而不盡
其期者哉

又曰慶源於理上帶一氣字說其體認之深切眞足
以補程朱之不逮較之言情言體者爲精切不浮情
發於性之所不容已體爲固然之成形與成就之規
模有其量而非其實樂山樂水動靜樂壽俱氣之用
以理養氣則氣受命於理而調御習戢則氣之爲動
爲靜以樂以壽於水而樂於山而樂者成矣 水濱
以曠而氣舒自與知者之氣相應山中以奧而氣斂
自與仁者之氣相應氣足以與萬物相應而無所阻

曰動氣守乎中而不過乎則曰靜氣以垂阻於物而得舒則樂氣以守中而不惑則壽故知此章之旨以言仁者知者備其理以養其氣之後而有生以降所可盡性以至於命者唯於氣而見功亦可見矣

子曰齊一變至於魯魯一變至於道

朱子語類

不知何氏錄

齊魯之初氣象已自不同至桓公

管仲又不能遵守齊之初政盡尚功利魯先世之遺意尙存如哀公用田賦猶使人問孔子若以田賦爲是夏何暇問若桓公管仲垂此意思

又

廣錄

問注謂施爲緩急之序如何曰齊自伯政行其

病多魯則其事廢墜不舉自齊則先須理會其許多病敗方可及魯魯則修廢舉墜便可復周公之道

饒雙峰曰俗由於政桓公富國彊兵故其俗急功利
假仁僭義故其俗喜夸詡魯周禮盡在其重禮汰可
知至漢初猶爲項羽守城不下其崇信義可知

鹿伯順曰策士治國祇求富彊聖人經綸祇講天理
蓋國家根本係於人心也公兵公食而不公信亦此
意

閻百詩曰漢地理志論齊魯風俗曰太公治齊修道
術尊賢智賞有功故其土多好經術矜功名舒緩闊
達而足智其失夸奢朋黨言與行繆虛詭不情封魯
以爲周公主其民有聖人之教化瀕洙泗之水其民
涉度幼者扶老而代其任俗旣益薄長老不自安與
幼少相讓至漸漸如孔子迺修六經以述唐虞三代

是以其民好學上禮義重廉恥集注功利夸詭云云
悉取於此王伯厚謂魯政治雖濁風俗不衰與漢之
東都同程子謂東漢之名節成於風俗雖非自得然
一變可以至道亦有味哉

子曰甗不甗甗哉甗哉

馮厚齋曰顏師古云學書之牘或以記事削木爲之
其形或六面或八面皆可書孔子歎卽此也竊謂甗
爲酒器見於禮經爲木簡見於漢急就章則謂爲簡
屬者秦漢以後之稱非孔子所謂也

楊用修

頓

曰古人制器必尙象甗上圓象天下方象

地且取其置頓之安穩焉春秋之世蓋已有破甗爲
圓者矣徒取其利於工之易鑄而不知失其象便於

人之易持而不計其頓之危也孔子於獻酬之際見而歎之事雖小而輕變古制不師先王其漸不可長矣

焦廣期曰洪慶善云古者獻以爵酬以觚此夫子因獻酬之際有所感也此言得之蓋不必正當獻酬時發此歎必目擊此器人皆名曰觚實乃非觚故因而歎之論語所記夫子之言在當時皆有根因今雖不可得知要當默識之爾

宰我問曰仁者雖告之曰井有仁焉其從之也子曰何爲其然也君子可逝也不可陷也可欺也不可罔也

朱子語類

義剛錄

可逝不可陷是就此一事說可欺不

可罔是總說它事皆然

又義剛錄問宰我祇知有公其之道理不知有義曰不

惟不知義亦不知智

用詰謹案語類此說引而未發蓋可不可之閒有義存焉而所以知其可不可者則恃乎智宰我不知仁智合一之理故有此問中庸云成己仁也成物智也性之德也合外內之道也故時措之宜也使知仁智合一之理則智以行仁見於事者以時措之而皆得宜何憂爲仁之陷害哉

朱子論語或問問往視而井實有人則如之何曰蘇氏之說所以處於輕重緩急之閒者密矣蘇氏云拯溺仁者之所必爲也殺其身盡益於人仁者之所必

不爲也惟君父在險則臣子有從之之道然猶挾其具不從從也事迫而喪具雖從從可也其餘則使人拯之要以窮力所至

胡雲峰曰變不足以盡仁仁者必能變覺不可以名仁仁者必能覺然則仁者之變也可欺之使之往救仁者之覺也不可罔之使陷於井也

子曰君子博學於文約之以禮亦可以弗畔矣夫

朱子語類

大雅錄

博學於文約之以禮是古之學者常

事孔子教顏子亦祇是如此如行夏之時以下須平時會理會來非禮勿視等處是約之以禮

又

偶錄

博學而不約之以禮安知不畔於道知要約而

不博學則所謂約者未知是與不是亦或不能不畔

於道也

又格錄博文而不約之以禮優喪歸宿處如讀書讀詩

學易學春秋祇本許多條目上做功夫己身都喪歸著優是離畔於道也

又大雅錄博文約禮聖門之要法博文所以驗諸事約

禮所以體諸身如此用功則博者可以擇中而居之不偏約者可以應物而動皆有則內外交相助而博不至於泛濫喪歸約不至於流遁失中矣

朱子文集答張仁叔約之以禮禮字作理字看不得正是

持守有節文處

又答或人博文約禮學者之初須作兩般理會而各盡其力則久之見得功效交相爲助而打成一片若合

下優兩相倚靠則彼此擔閣不成次第矣然所謂博
非泛然廣覽襍記以讀多取勝之謂此又不可不知
又范聖人教人不過博文約禮而學者所造自有
伯崇淺深此喟然弗畔所以不同也顏子地位見處固未
敢輕議餘人但能因聖人所示之方博文以窮理約
禮以修身如此立得定則亦庶乎可以不爲外物誘
怵異端遷惑矣

許白雲曰博文則能知聖賢之成法識事理之當然
約禮則收斂歸之於身而爲修行之實若泛泛學文
而不約之以禮則於己無相關既能博文又以約禮
爲自己之行方可進德通釋曰博謂泛而取之以極
其廣約謂反而束之以極其要此語精切

王船山曰文皆載道之文不然亦其可以攷道者也
禮皆修道之事於其切於身者尤體道之實也於文
博之勿疑乎道之不恃乎此而略之焉動必以禮勿
疑爲道之一曲而非其大焉者也博之約之雖不足
以盡道之高深而文與禮則固道之所徵見而徵諸
實者也日盡其身心之力依乎道之所著而道豈遠
乎哉不然守其虛寂棄其防閑卽或有所見焉而離
乎道者已多矣

又曰集注約要也小注伯公聲讀者誤勉齋亦疑要
聲我以禮爲不成文而猶未免將約與博對看不知
此約字與博學二字相對則要原讀伯平聲與束同
義集注添一動字博其學於文而束其動以禮則上

句言知下句言行分明是兩項說朱子尊德性道問
學驗諸事體諸身及行夏之時非禮勿動等說皆不
混作一串約之之字指君子之身而言也與約我以
禮我字正合其云耑之博而今之約以博對約有一
貫意皆狂解也文與禮原亦無別在學謂之文自踐
履之則謂之禮其實一而已但學則不必今日所行
而後學之如雖喪治厯之事亦須攷究夏時其服身
而見之言動者則因乎目耑之素履故文言博而禮
不可言博然不可謂學欲致其多守欲致其少如顏
子未仕自不公改易正朔則行夏時之禮特時地之
所未然而非治厯明時爲廣遠而置之視聽言動爲
居要而持之也約者收斂身心不放縱之謂不使放

而之非禮豈不使放而流乎博哉學文愈博則擇理益精而自守益嚴正相成非相矯也博文約禮是一齊事原不可分今管如讀書時正襟危坐不敬不亂卽此博文卽此便是約禮而孝弟謹信汎愛親仁行有餘力則以學文緩急之序尤自不誣原不待再已博而今始約也

用誥謹案約要均有結束義亦均有儉少義故二字可轉相訓久要不忘平生之言孔注久要舊約也書禹貢五百里要服疏要者約束之義以約訓要故朱子解此章亦以要訓約皇侃疏約束也言君子廣學六籍之文又用禮自約束能如此者亦可得不違背於道

理朱子語類幹錄此約字與顏子所言約字皆合。佗約束之意。目或問云二者之訓不異其義亦同。皆爲約束之意。據此則朱子從古訓以要訓。約佗平聲讀爲束義。而佗去聲讀者非朱子之意明矣。又案之字指君子之身言。亦本朱子語類幹錄云顏子博我以文約我以禮。旣連著兩我字。而此章之字亦但指其人而言。非指所學之文而言。是也。

孫夏峰曰。凡散見於天地間者皆文。而文中總具一天然之規則曰禮。約卽在博時。約文禮非二理。博約是一事。合內合外。何畔之有。

張楊園曰。學者功夫能將聖賢經傳準之日用動靜。

以致其合否則廢乎不背於義理矣所謂博學於文約之以禮亦可以弗畔也

尹元孚曰先博後約固有次序隨博隨約乃見切實朱子以擇乎中庸得一善則拳拳服膺而弗失之者正謂此博文約禮功夫則隨博隨約之義甚明卽以知行分貼亦隨知隨行與足喪目不見目喪足不行之說相合

焦廣期曰約之以禮謂視聽言動皆收束入規矩準繩一於禮則約矣約非大本大原渾然一理之謂也博文約禮皆下學事故曰可以弗畔

子見南子子路不說夫子矢之曰予所否者天厭之天厭之

朱子論語或問案叟記孔子至衛南子使人謂孔子
曰四方之君子不辱欲與寡君爲兄弟者必見寡小
君寡小君願見孔子辭謝不得已而見之也曰仕於
其國而見其小君禮與曰是於禮無所見穀梁子以
爲大夫不見其夫人而何休獨有郊迎執贄之說不
知其何所攷也然禮家又謂陽侯殺繆侯而竊其夫
人故大饗廢夫人之禮而使人攝房則是大夫雖或
有見小君之禮疑亦久已不行於世而靈公南子特
舉之爾曰南子既非正嫡且以淫亂間於諸侯而是
禮也又非常世之所常行者則夫子何爲而不辭也
曰南子之行則醜矣然其願見蓋亦有善意焉且衛
君旣以爲夫人而已將仕於其國則所謂禮從宜使

從俗者其亦有所不得已焉者矣又況聖人道隆德盛雖磨而不磷雖涅而不緇亦何爲拘拘譊譊於此而避一見之嫌乎

金仁山曰聖人道大德全不絕人於善其見惡人固謂在彼有願見之心而在我本有可見之禮則不咎其既往或啟其將來未可知也君子居是邦不非其大夫況其君夫人乎則又難以明言矣且此行也在聖人則可在它人則不可明言其爲可則側媚由徑之人皆可僭此說以藉口矣故但重言以誓之其誓之以天何也夫事一也而在聖人則可在它人則不可者亦論其心而已聖人此心光明正大上通乎天故無不可彼無是心而假是事以自文者其如天何

哉聖人指天以爲質欲學者知反此心也

眞西山曰居亂國見惡人惟聖人爲可蓋聖人道大德宏可以轉亂而爲治化惡而爲善孔子於南子則見之於陽貨亦見之而公山弗擾佛肸之召皆欲往焉若大賢以下則危邦不入亂邦不居小人則遠之蓋就之未必能有濟或以自汚焉故子路仕孔惺不得其死冉求仕季氏喪能改於其德顏子閔子終身不仕蓋以此也子路不說者蓋以己之力量觀聖人也

鹿伯順曰子路不說以爲有委曲行道意

陳淑起曰夫子見得是上一截道理仲子避得是下一截世情仕有見小君之禮小君者正位乎內朝職

司乎陰教與國君同主宗廟社稷貞淫邪正四字不可加於此處子路止計世情故不說目天猷之矢姑置世情使思天理見天理則世情自化矣

子曰中庸之爲德也其至矣乎民鮮久矣

朱子語類

夔孫錄

中庸之爲德此處盡過不及之意多

庸是依本分不爲怪異之事堯舜孔子祇是庸夷齊所爲則非庸

又

植錄

不知理隨其偏長處做去謹愿者則小廉曲謹

放縱者則跌蕩不羈所以中庸說道之難明又說人莫不飲食鮮能知味

汪雙池曰大抵叔季之民不及中者恆多而過中者蓋寡然教衰澤斬之後處士橫議每過爲詭異以震

驚流俗而欺世盜名則異端邪說之說又必過中者之所爲過中之害其視不及者爲尤甚也夫子言此其亦有憂患也夫

吳艸廬曰庸者常而不易之理然不可以一定求也庸因中以爲體中因時以爲用管之過也今爲不及彼之不及也此爲過隨時屢易而不可常者中也夫理之常而不易正以屢易而不可常之故一定則惡能常而不易哉

子貢曰如有博施於民而能濟眾何如可謂仁乎子曰何事於仁必也聖乎堯舜其猶病諸夫仁者己欲立而立人己欲達而達人能近取譬可謂仁之方也已

朱子語類

可學錄

子貢問仁就功用籠罩說孔子就心

上荅

又義剛錄

仁以理言是徹頭徹尾物事如一元之氣聖

以地言亦非離仁而爲聖聖是行仁到極處而今有
聖人有賢人有衆人仁通上下而言有聖人之仁有
賢人之仁有衆人之仁博施濟衆是做到極處功用
如此

又

寓錄

博施濟衆必有聖人之德有天子之位而後可

以當此堯舜如此尙以爲病仁本切己事大小都用
得子貢問不切己卻成疏闊

又

人傑錄

子貢所問以事功言於本體無涉故聖人舉

此心之全體大用以告之

又

義剛錄

問此章苟說仁之功用中說仁之體後說仁

之方曰是如此已欲立而立人已欲達而達人仁者
之存心常如此未博施濟眾時此物事自在裏面
又安卿錄問於此可以得仁之體是此處見得人與己
相關甚切便是生意相貫處否曰祇無私意理便流
通

又熹錄夫子荅子貢曰已欲立而立人已欲達而達人
至荅顏子則曰克己復禮爲仁或曰一爲心之德一
爲變之理曰是如此但要認得是一事如已欲立而
立人已欲達而達人便有克己復禮之意思克己復
禮便包已欲立而立人已欲達而達人之意思祇要
人自分別而已

又祖道錄子貢所問爲仁便使中天下而立定四海之

民如堯舜亦做不得何況華門圭竇之士聖人所以
提起夫仁者己欲立而立人己欲達而達人正指仁
之本體蓋己欲立則思處置它人亦立己欲達則思
處置它人亦達放開眼目推廣心胃氣象如此安得
不謂仁之本體若能近取譬者以我之欲立而知人
之亦欲立以己之欲達而知人之亦欲達如此則止
謂之仁之方而已

朱子論語或問曰仁恕之別何也曰凡己之欲卽以
及人不待推以譬彼而後施之者仁也以己之欲譬
之於人知其亦必欲此而後施之者恕也此其從容
勉強故有淺深之不同然其實皆不出乎常人一念
之間學者亦反求諸己而足矣豈必博施濟眾務爲

聖人之所不能者然後得之乎

陳安卿曰問集注謂狀仁之體曰仁者之心廓然大公
無所不變其體自如此非姑指其及物處爲然也
但不可偏靠此爲言爾問程子謂天地萬物爲一體
曰程子之說亦祇是言其與物爲一而無所不變之
意然專靠此爲言則第大而失其本當於此處觀天
理所以流行無間之體則仁可識矣

又曰仁祇是天理生生之全體故仁者之心渾然天
理生生不息者其本體也視物爲一而無所不變者
其用也夫子所答以己及人公平天理流行無間者
正是指言其體而用在其中矣程子集注所發明皆
是不外此意

薛敬軒曰仁是此心之理與萬物相貫通故欣戚相關而能愛纔不貫通便相閒隔祇知有己不知有物欣戚不相關而不能愛矣然貫通非仁其貫通之理仁也

孫夏峰曰仁一也由子貢言之帝王之事也由夫子言之匹夫之事亦帝王之事也從人起見將涉於功利之私而所爲多僞從己身起見以己度人處處是我成就己之性命自爲切爲人亦無不切者矣

王船山曰至難言者仁之體也於理言之則非其心之實然於心言之則又唯心之所思心之所願極乎不可至之事而心皆有此境唯從學者所以求入之方而卽此誠有其理之心以極至其量使喪念而不

然以證天理同流萬物一體之實則仁可得而見也
蓋子貢之言迹也而非心也如以此爲心則又心
也而非理也聖人之仁一實之理生於心非一心之
想成乎理學者烏可以不辨哉

又曰子貢說博施濟眾太輕易夫子知其實不稱名
不知所謂博眾者有量邪無量邪子貢大端以有量
言博眾亦非果如程子所謂不五十而帛不七十而
肉九州四海之外皆兼濟之但旣云博云眾則自是
無有涯量渡令能濟萬人可謂眾矣而萬人之外豈
便不如此萬人者之當濟則子貢所謂博者非博眾
者非眾徒侈其名而無實矣故夫子正其名實以實
子貢之所虛而極其量曰必也聖乎堯舜其猶病諸

則所謂博施濟眾者必聖人之或能與堯舜之猶病而後足以當此儻非堯舜之所猶病則亦不足以爲博施濟眾矣蓋博施濟眾須於實事上一一攷覈而出而抑必以己所欲立欲達者施之於人而後可云施以己之欲立欲達者立人達人而後可云能濟故唯仁者之功用已至其極而爲聖然後非沾沾之惠一切之功若其不然則施非所施濟不能濟自見爲仁而不中於天理之則者多矣夫仁者其所從入與沾沾之惠一切之功已有天淵之隔其立達一人如己之欲立欲達立達千萬人亦如己之欲立欲達體眞則用不妄繇此而聖則施自不狹濟自不虛而卽當功用未見之時已無博約眾寡以爲之界限且其

所施濟者一中於天理人情自然合轍之妙而一喪
所徇一喪所矯不然則豈待博且眾卽二桃可以致
三士之歿而一夫喪狀之欲天地亦不能給之也乃
子貢所云博施濟眾者初非有已欲立而立人已欲
達而達人之實則固不可以言仁而但云博施濟眾
則夫子亦喪以正其爲非仁之事故下直以夫仁者
三字顯仁之實使子貢繇是以思焉而如是以施其
不易言博如是以濟其不易言眾亦不待夫子之言
而自媿其失辭矣程子謂子貢不識仁看來子貢且
不識施濟使其有能近取譬之心而敢輕言博眾哉
李厚菴曰子貢以仁之用言此必有德有位者故雖
堯舜猶病若學者坐而言此則非切己功夫故夫子

以仁者之心求仁之方告之然亦非全無用處老吾
老以及人之老幼吾幼以及人之幼舉斯心而加彼
老者安之少者懷之隨其分以及人此自崇高富貴
至士庶皆可行者顧不取必於其博與眾耳

論語麗也第六

畢